

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO FINANSIJA  
FEDERALNO MINISTARSTVO FINANSIJA**

Prijedlog

**UREDBA  
O METODOLOGIJI IZRAČUNA I USKLAĐIVANJA NAJNIŽE PLAĆE**

Sarajevo, novembar 2021. godine

Na osnovu člana 78. stav (3) Zakona o radu („Službene novine Federacije BiH“, br. 26/16 i 89/18), na prijedlog Federalnog ministarstva finansija, Vlada Federacije Bosne i Hercegovine, na \_\_\_\_sjednici, održanoj\_\_\_\_\_2021. godine, donosi

## **UREDBU O METODOLOGIJI IZRAČUNA I USKLAĐIVANJA NAJNIŽE PLAĆE**

### **Član 1. (Predmet uredbe)**

Ovom uredbom se propisuje metodologija izračuna i usklađivanja iznosa najnižih plaća.

### **Član 2. (Definicija najniže plaće)**

- (1) Najniža plaća u smislu ove uredbe je najniži mjesečni iznos plaće koji pripada radniku za rad u punom radnom vremenu, a utvrđuje se u bruto i neto iznosu.
- (2) U iznos najniže plaće ne ulaze uvećanja plaće koja radniku pripadaju za prekovremeni rad, noćni rad, rad u dane sedmičnog odmora, rad u dane praznika ili drugim danom za koji je zakonom određeno da se ne radi.
- (3) Najniža plaća radnika koji radi u nepunom radnom vremenu utvrđuje se i isplaćuje srazmjerno ugovorenom radnom vremenu.

### **Član 3. (Iznos najniže plaće)**

- (1) Vlada Federacije Bosne i Hercegovine (u daljnjem tekstu: Vlada) utvrđuje jednom godišnje najnižu plaću u rokovima i na način propisan članom 6. ove uredbe.
- (2) Najniža plaća za 2022. godinu:
  - a) Najniža neto plaća za 2022. godinu iznosi 550,00 KM.
  - b) Najniža bruto plaća za 2022. godinu iznosi 837,00 KM.
- (3) Najniža neto plaća, od dana početka primjene novog Zakona o doprinosima i novog Zakona o porezu na dohodak će biti utvrđena posebnom odlukom.
- (4) Izuzetno od st. (2) i (3) ovog člana, kolektivnim ugovorom se može ugovoriti i minimalna plaća u iznosu manjem od iznosa propisanog ovom uredbom, a koja ne može biti niža od devedeset pet posto iznosa najniže plaće definirane st. (2) i (3).

### **Član 4. (Pravo na najnižu plaću)**

Pravo na najnižu plaću, utvrđenu prema odredbama ove uredbe, imaju svi radnici koji rade u Federaciji Bosne i Hercegovine (u daljem tekstu: Federacija), neovisno o sjedištu ili registraciji poslodavca.

**Član 5.**  
**(Usklađivanje najniže plaće)**

Najniža plaća se usklađuje svake godine na način da se usklađivanje vrši u visini zbira 50% procenta porasta potrošačkih cijena i 50% procenta porasta realnog bruto društvenog proizvoda u Federaciji u prethodnoj godini za period januar-septembar, a prema podacima Federalnog zavoda za statistiku.

**Član 6.**  
**(Rok za usklađivanje najniže plaće)**

- (1) Najkasnije do 31. decembra tekuće godine Vlada odlukom utvrđuje visinu najniže plaće za narednu godinu, nakon konsultacija sa Ekonomsko-socijalnim vijećem. Utvrđeni iznos najniže plaće se primjenjuje na plaću za mjesec januar 2022. godine i sve naredne mjesece do donošenja nove odluke.
- (2) U slučaju da Vlada ne postigne dogovor nakon konsultacija sa Ekonomsko-socijalnim vijećem, minimalna plaća se ne može utvrditi u iznosu manjem od iznosa koji je bio utvrđen za prethodnu godinu.
- (3) Iznos minimalne plaće iz stava (1) ovog člana može se utvrditi u iznosu većem od iznosa usklađene plaće iz člana 5. ove uredbe.

**Član 7.**  
**(Nadzor nad primjenom ove uredbe)**

Nadzor nad primjenom ove uredbe, obavlja federalni, odnosno kantonalni inspektor rada.

**Član 8.**  
**(Prestanak važenja)**

Danom stupanja na snagu ove uredbe prestaje da važi Odluka o utvrđivanju najniže satnice u Federaciji BiH („Službene novine Federacije BiH“, broj: 22/08).

**Član 9.**  
**(Stupanje na snagu)**

Ova uredba stupa na snagu osmog dana od dana objavljivanja u „Službenim novinama Federacije BiH“.

V. broj:  
\_\_\_\_\_ novembar 2021. godine  
Sarajevo

Premijer  
Fadil Novalić